

夢梁錄卷十五

錢塘 吳自牧 著

學校

古者天子有學謂之成均又謂之上庠亦謂之璧水所以養育作成天下之士類非州縣學比也高宗南渡以來復建太武宗三學于杭都太學在紀家橋東以岳鄂王第爲之規模宏闊舍宇壯麗學之西偏建大成殿殿門外立二十四戟大成殿以奉至聖文宣王十哲配享兩廡彩畫七十二賢前朝賢士公卿諸像皆從祀每歲

夢梁錄卷十五

春秋二丁行釋奠禮命太常樂工數輩用宮架樂歌宣聖御贊贊曰大哉宣聖斯文在茲帝王之式今古之師志則春秋道出忠恕賢于堯舜日月共譽惟時載雍載此武功肅昭盛儀海宇聿崇置學官自祭酒司業丞簿正錄等共十四五員學有崇化堂首善閣光堯石經之閣奉高孝二帝宸書御制札石刻于閣下以墨本置于上堂之後東西爲學官位主上登極則臨幸學官奠謁宣聖及賜諸生束帛學官齋長諭俱霑恩霑高宗朝幸學之時曾幸養正持志二齋兩齋長諭已免解人特與

免省未免解人與免解恩例其兩齋生竝免將來文解一次 太學有二十齋扁曰服膺禔身習是守約存心允蹈養正持志節性率履明善經德循理時中篤信果行務本貫道觀化立禮十七齋扁俱米友仁書餘節性經德立禮齋扁張孝祥書各齋有樓揭題名于東西壁廳之左右爲東西序對列位後爲爐亭又有亭宇揭以嘉名甚夥紹興年間太學生員額三百人後增置一千員今爲額一千七百一十有六員以上舍額三十八人內舍額二百單六人外舍額一千四百人國子生員八十

夢梁錄卷十五

二

人諸生衫帽出入規矩森嚴朝家所給學稟動以萬計日供飲膳爲禮甚豐月書季考由外舍而升內舍由內舍而升上舍或釋褐及第或過省赴殿恩例最優于此見朝廷待士之厚而平日教養之功所以爲他日大用之地也太學內東南隅設廟廷奉后土神祇卽土地神朝家勅封號曰正顯昭德孚忠英濟侯按贊書相傳爲中興名將其英靈未泯而應響甚著蓋其故居也理或然與自是遂明指爲岳忠武鄂王況鄂國已極于隆名宜廟食增崇于命祀謹疏侯爵未正王封仍改廟額曰

忠顯神之父母妻子下逮將佐皆有命秩華以徽號
宗學在睦親坊按國朝宗子分爲六宅宅各有學學各
有訓導之官中興後唯睦親一宅置諸王宮大小學教
授專以訓迪南班子弟嘉定歲始改宮學爲宗學凡有
籍者宗子以三載一試補入爲生員如太學法置教授
博士宗諭立講課隸宗正寺掌之學立大成殿御書閣
明倫堂立教堂汲古堂齋舍有六扁曰貴仁立愛大雅
明賢懷德升俊 武學在太學之側前洋街建武成殿
祀太公曰昭烈武成王以畱侯張良武侯諸葛亮配累

夢梁錄卷十五

三

朝諸名將從祀學規依太學例試補月考課陞名然教
養之法未備下禮兵部措置立養士額置武博武諭各
一員淳熙嘉泰主上臨幸武學謁武成王行肅揖禮學
建立成堂齋舍有六扁曰受成貴謀輔文中吉經遠閱
禮宗武學俱有學廩膳供舍選釋褐一如太學例 杭
州府學在凌家橋西士夫嫌其湫隘故帥臣累增闢規
模廣其齋舍總爲十齋扁曰進德興能登俊賓賢持正
崇禮致道尙志率性養心又有小學齋舍在登俊後以
東西二教掌其教訓之職次有前廊錄正等生員各齋

有長諭月書季考供膳亦厚學廩不下數千出納學正領其職仁和錢塘二縣學在縣左建廟學養士仁和學有齋舍四扁曰教文教行教忠教信錢塘學有齋舍六曰友善辨志教行教信教文教忠諸縣學亦如之各縣有學官次有學職生員日供飲膳月修課考悉如州學州學廩各縣學不下數百以爲養士之供醫學在通江橋北又名太醫局建殿扁曰神應奉醫師神應王以岐伯善濟公配祀講堂扁曰正紀朝家以御診長聽充判局職本學以醫官充教授四員領齋生二百五十八月

夢梁錄卷十五

四

季教課出入冠帶如上學禮學廩飲膳豐厚不苟大約視學校規式嚴肅局有齋舍者八扁曰守一全沖精微立本慈用致用深明稽疾

貢院

禮部貢院在觀橋西中興紀年諸郡貢生類試于各路轉運所在州府就試紹興十年諸州依條發解將省殿試展一年向後科場自十二年省試爲準至十四年諸州發解如故三年一次降詔自是爲定制貢院置大中門大門裡置彌封謄錄所及諸司官中門內兩廊各千

餘閒廊屋爲士子試處廳之兩廂列進士題名石刻堂上列省試賜知貢舉御劄及殿試賜詳定官御札并聞喜宴賜進士御詩石刻別試院在大理寺之西崑以待貢士之避親嫌者本州貢院在錢塘門外王家橋以待本州九縣士人發解之處兩浙漕司貢院在北關門外沈家橋以待兩浙路寓士及有官人宗女夫等發解之處

城內外諸宮觀

釋老之教徧天下而杭郡爲甚然二教之中莫盛于釋

夢梁錄卷十五

五

故老氏之廬十不及一但老氏之教有君臣之分尊嚴難犯報應甚捷故奉老氏者倍加恭敬不敢褻瀆此釋氏之所不如也且在城宮觀則以太乙萬壽爲首餘杭洞霄次之其他外郡如醴泉佑神集禧崇禧等觀又次焉此朝廷以待老臣執政閒居侍從卿監除提舉主事之職優寵也今擴宮觀在杭者除御前十宮觀外編次于後天慶觀在天慶坊以奉聖祖保生天尊大帝香火郡家官僚朔望到任俱朝謁于此報恩觀在觀橋南報恩坊元貞觀在貢院西巷旌忠觀在豐樂橋東北以奉

鳳翔府和尙原三聖廟香火中興觀卽伍相公廟後天明承天卽梓潼廟天慶靈應至德崇應六宮觀俱在吳山之左右鶴林觀在俞家園景隆觀在新門外水府淨鑑觀在清水閘玉虛觀奉三官表忠觀奉錢王五廟香燈在龍山左右貞武觀在太和寺後玉清宮在葛嶺下旌德觀在蘇堤先賢堂後雲濤上清兩宮觀俱在雷峰塔寺之右沖虛觀在履泰鄉太清觀在龍井山景星觀在臨平岳祠之側順濟宮在湯鎮岳宮之左右外有在城及附郭女冠宮觀者九曰福田新興明貞神仙承天

夢梁錄卷十五

六

西靖靈耀長清等宮餘外七縣首以餘杭大滌洞天卽洞霄宮也以下宮觀二十有三如洞霄宮者按諸志書云自漢武帝迄唐五代至宋一千九百餘年元各天柱宋大中祥符年賜觀額洞霄按真境錄云宮有五洞交扃九峰迴挹千巖萬谷秀聚其中或泉飛彤廈之簷雲鎖碧壇之角祥光神異兼木返于春秋撫掌泉靈更丹藏于翠石又有亭館者七扁曰漱玉超然稅駕翠蛟飛玉宜霜聚仙貞挹是也自晉宋以來得道之士許邁而下凡二十有四人焉更有神異曰搗藥禽蓋山中異鳥

最多僅有其一晝隱夜鳴莫得而見聲音清亮徹旦不絕類如杵藥之聲曰五色雲氣出于洞中高廟脫屣萬幾頤神物表遂于乾道二年自德壽宮行幸山中駐驛累日勅大官進蔬膳御翰度人經以賜自有天地卽有此山殊尤之迹勝矣蘇文忠公詩上帝高居憫世頑故畱瓊館在凡閒青山九鎖不易到作者七人相對閒庭下流泉翠蛟舞洞中飛鼠白鴉翻長松怪石宜霜鬢不用金丹苦駐顏又方干詩早識吾師頻到此芝童藥犬亦相迎師今一去無消息花洞石泉空月明其餘名賢賦咏不盡詳述又有道堂者如西湖崇真道院靈應希真道堂以下城內外約有二十餘處皆捨俗三清道友及接待外路名山洞府往來雲水高人時有神仙應緣現迹詳于志傳

城內外寺院

明慶寺在木子巷凡朝家祈禱及宰執文武官僚建啓聖節道場咸在焉仙林慈恩普濟教寺在鹽橋東寺有萬善大乘戒壇僧尼受戒法之地太平興國傳法寺在佑聖觀東千頃廣化院在木子巷北係群臣僚佐建啓

支塏南山延壽法顯院曰華嚴塏淨因寺曰雙石塏大中祥符開元寺廣九里自南渡初斥西北充軍器所作院及民居寺元有鐵塏石塏者五又有法華塏在端拱年僧文定建千頃廣化院有慈化大佛塏卽了性塏景德靈隱淨慈報恩光孝寺各有鐵塏乃吳越錢王所造街市有塏者如閣門裡楊府前有甄塏巷名曰塏兒頭龍山兒頭嶺名白塏嶺嶺有石塏存焉兒門北有軍寨門立雙塏呼爲雙塏寨薦橋門外觀音寺對有甄塏年深矣北關門外二郎廟廟前亦有甄塏三橋北楊三郎

夢梁錄卷十五

九

頭巾鋪河岍相對有甄塏塏在度子橋南兩浙運司衙橋南光相寺亦有雙塏立於寺前西湖三潭立三塏以鎮之餘外有僧菴所建塏院及街市甄塏近年者不贅詳

古今忠烈孝義賢士墓

夏后氏之墓見于晚周女媧墳攷之自唐明皇朝天寶年至今幾四百有餘年尙存也夫陵谷變遷高深易位彼何能若是之久哉蓋聖帝明皇天相神護以至于斯耳今撫錢塘仁和兩縣之古塚備錄于後唐杜牧墓在

南山東南與佛日山夾境名杜牧塢是也吳越文穆忠
獻王墓在龍山之南吳越孝獻世子墓在天竺前山吳
越忠懿妻賢德順睦妃孫氏墓在石人嶺下吳越王妃
仰氏墓在龍井山放馬場按表忠觀碑刻載錢氏墓在
錢塘者凡二十有六墓焉吳越太尉開國薛公墓在靈
石山吳越給事羅隱墓在錢塘定山鄉和靖先生林處
士墓在孤山杭守吳則侍郎墓在龍井廣福寺之麓都
尉周仰待制周邦彥少師元絳三墓俱在南蕩山文憲
強淵明襄恪趙密等墓並在西溪欽賢鄉少宰劉正夫

夢梁錄卷十五

十

墓在眞珠嶺樞密章棗墓在寶石山寺丞陳剛中墓在
龍井嶺上沙盆塢敬恭儀王趙仲湜墓在西湖顯明寺
王生時有紫光照室視之則肉塊以刃剖開嬰兒在內
靖康時諸軍欲推而立之仗劍以曉諭諸軍曰自有眞
王其軍猶未退遂自拔劍欲刺六軍方退約以踰月眞
王出衆喏言若眞王不出則王當立矣王陽許之而陰
實緩其期未幾高廟卽位于應天王閒關而南上屢嘉
歎王嘗自贊其像曰惟忠惟孝不污不苟皓月清風良
朋益友湛然靈臺確乎不朽浙西提刑龍圖周格墓在

獨角門步司前軍寨前殿堦周杞墓在徐范村之閒忠
毅畢再遇墓在西溪祕閣朱弁墓在西湖丞相李文靖
墓在小隱山紫芝趙師秀墓在葛嶺花翁孫季蕃墓在
水仙廟側淳固先生宋斌墓在資國寺之右忠武岳鄂
王墓在栖霞嶺下

歷代古墓

晉杜子恭墓在錢塘唐馬三寶墓在行春橋水竹塢教
場內其墓于紹興末因增廣教場惟此塚獨高大寨卒
欲去之方舉錫閒墓中有黑蜂數百飛出著人不可向

夢梁錄卷十五

十二

而止是夕步帥感夢有一衣黃服之人曰吾前王之子
葬此已久祈勿毀辭語甚切次早有本軍申至應夢遂
輟其役下蘭母塚故居在艮山門外三十六里丁橋之
右母死刻木事之如生塚在姥山之東唐孝女墓在錢
塘孝女南鄉故老相傳昔有唐媿娘年十二三母病曾
剗腹取肝和粥以進母母病愈而媿娘以瘡破入風而
死里人葬于此美其孝故名曰唐孝女墓記之亞父塚
在臯亭山木娘墓在艮山門太平鄉華林里蔡塘東昔
蔡汝撥之庶母沈氏死汝撥尙幼父用火葬汝撥傷母

無松楸之地嘗言之輒泣自後長成以木刻母形以衣
衾棺槨擇地葬之仍置田畝造菴舍命僧以奉晨香夕
燈鄉人遂稱爲木娘墓蘇小小墓在西湖上有湖堤步
游客之句此卽題蘇氏之墓也

夢梁錄卷十五

夢梁錄卷十五